

ԱՆՁԻ ԵՍ-Ի ԻՆՔՆԱՄՔՈՂՋԱՑՄԱՆ ԴԻՍԼԵԿՏԻԿԱՆ ԵՎ ՀԱՅ
ՊԱՏՄԱԲԱՆԱՄԻՐՈՒԹՅՈՒՆԸ

ՀԵՆՐԻ ՄՈՔՈՅԱՆ

Ես-ի ինքնամքողջացման հիմնախնդիրը փիլիսոփայական մտքի պատմությունում մեջ դիտվել է որպես սուբյեկտի և օբյեկտի, մարդու և արտաքին աշխարհի, կեցությունից և գիտակցությունից անհրաժեշտ ու օրինաչափ ստեղծագործական փոխհարաբերություն: Դեռ Հերակլիտ էփեսոսցին մ.թ.ա. 544–483 թթ. նշում էր, որ ի ծնե բոլոր մարդկանց հատուկ է ինքնաճանաչման և ինքնահաստատման ունակությունը: Հայկական գրի ստեղծող, հայերենի առաջին ուսուցիչ Մեսրոպ Մաշտոցը գրում է, որ ճանաչողը մարդ-սուբյեկտն է¹: Ըստ Մաշտոցի, մարդը բաղկացած է երկու հակադիր տարրերից՝ նյութից և հոգուց: Նյութն ինքնին կենդանագուրկ է, հոգին է, որ նրան կյանք է ներշնչում և առհասարակ շարժման մեջ գնում: Հոգու առկայությունը մարմնի մեջ, ըստ Մաշտոցի, արտահայտվում է նրանով, որ «բերան խօսի, աչք տեսանեն, ականջք լսեն, ունչք հոտոտին, ձեռք շոշափեն, ոտք գնան, սիրտ շարժի իմանալեօք...»²: Փաստորեն, հոգին հավասարեցվում է մարդու արտաքին հատկանիշներին: Մաշտոցը գրում է. «Հոգի ասի կենդանությունս և միտք ասի իմաստությունս, և բան ասի խոսողությունս»³: Հին աշխարհի մեծանուն փիլիսոփա Պլատոնը գրում է, որ հոգու դործունեությունը հոգու պասսիվ ընկալումը է, այլ ներքին աշխատանք, որը կրում է ինքն իր հետ զրույցի բնույթ: Խորհրդածելով՝ հոգին «ոչ մի բան չի անում, կարծես խոսում է, հարցնելով ինքն իրեն, պատասխանելով, հաստատելով և ժխտելով»⁴: Ռ. Դեկարտի մոտ Ես-ը նույնպես նշանակում է «իմ հոգի», որի շնորհիվ «Ես համարվում եմ այն, ինչ ես կամ»: Դեկարտյան կոնցեպցիայի համաձայն, «մտածող «Ես»-ը, անտարակույս, հավաստիությունը գիտի այն մասին, ինչ մտածում է, կասկածում և հաստատում, ուզում, սիրում է և ատում...»⁵: Ես-ի գիտելիության անալիզից օբյեկտիվորեն պայմանավորված է գիտակցության ակնթարթների պարբերական շարքով: Նախ, անձի Ես-ի ինքնամքողջացում, որ նշանակում է նրա անհատական հոգեբանական հատկությունների և հոգեկան ֆունկցիաների դիալեկտիկական գումար, որի ատրիբուտներն են զգայությունները, մտքերը, զգացմունքները, որոնք անմիջականորեն կարգավորում, պահում, փոխարկում և միաժամա-

¹ Յաճախապատում ճառք. Վաղարշապատ, 1894–1896, էջ 32:

² Հ. Գ ա բ Ր ի ե լ յ ա ն. Հայ փիլիսոփայական մտքի պատմություն. հ. 1, Երևան, 1956, էջ 127:

³ Նույն տեղում:

⁴ П л а т о н. Тезет. М.-Л., 1936, с. 116.

⁵ Р. Д е к а р т. Избранные произведения, М., 1950, с. 283.

նակ փոխհատուցում, համակշռում, հավասարակշռում և ներդաշնակութ-
յուն են ստեղծում, քանզի Ես-ի ինքնամբողջացումը օժտված է որոշակի
յուրատիպ հավաքական ուժով ու իշխանությամբ: Ապա՝ Ես-ը միաժամա-
նակ կատարում է թե՛ գիտակցության, թե՛ ինքնագիտակցության անհրա-
ժեշտ համատեղման և ընդհանրացման գործոնի դերը: Մարդու Ես-ը փիլի-
սոփայական տեսանկյունից այն ինտեգրալ գոյացությունն է, որ հանգես
է գալիս մարդու կողմից անհրաժեշտորեն իրականացվող գործնական նա-
խաձեռնումներին դինամիկ նպատակասլացությունն հաղորդելու գործոնի
դերում: Ես-ին բնորոշ անհատականության ինտեգրացնող առանձնա-
հատկությունն այն է, որ նա իր ձևավորման հենց առաջին պահից ակտի-
վորեն կողմնորոշվում է աշխարհը մաս առ մաս ճանաչելու, այն մեկ ամ-
բողջականության մեջ արտացոլելու ու իմաստավորելու նպատակով:

Յուրաքանչյուր կոնկրետ, եզակի անհատ ընդհանուր Ես-ի մասնավոր
բովանդակությունն է: Առանձին Ես-ը կարող է սահմանվել մյուս Ես-երի
հետ իր հարաբերության միջոցով: Ըստ Հեգելի, Ես-ը ողին է, «Դրա համար
էլ ողու ամեն մի գործունեություն միայն ինքն իր ըմբռնումն է, և իսկա-
կան դիտություն նպատակն այն է, որ ողին ամեն ինչի մեջ է, որ կա երկն-
քում, երկրում, և ճանաչում է ինքն իրեն»: Ես-ը փոխվում է մարդու
կյանքի պայմանների փոփոխությունը զուգընթաց: Անձի Ես-ի դինամիկան
մշտապես առկա է մարդու կյանքի տարիքային փուլերի օրինաչափ հեր-
թափոխության առաջընթացում, հարաբերականորեն պահպանելով իր
ինքնուրույնությունը իրեն հատուկ որոշակի սոցիալական ինքնատիպ
գործունեություն ուղղվածությամբ և արժեքային կողմնորոշմամբ: Անձի
կողմից կյանքի ճանաչումը, իր որոշակի տեղը նրանում, սկսվում է ինք-
նաճանաչման այն պահից, երբ նա սկսում է խորհրդածել իր ակունքների,
միջմարգկային հարաբերությունների, դրանց կարգի ու անհրաժեշտու-
թյան մասին:

Անշուշտ, Ես-ը կազմող բոլոր բազադրատարրերը ածանցվում են անձի
սոցիալական փորձին և այսպես թե այնպես կախված են սոցիալական որո-
շակի խմբի հետ նրա նույնականացումից: Հետևաբար, կարող ենք ասել,
որ անհատական Ես-ը գիտակցվում և կառուցվում է այն հետադարձ կա-
պերի գործողությունների իմաստավորման հետեանքով, որոնք մշակվում
են միջանձնային հարաբերություններում և տրվում են հասարակության
կողմից, սոցիալական դնահատականի ձևով յուրաքանչյուր անհատի: Ինչ
վերաբերում է ինքնագիտակցությանը, որը ոչ միայն գիտակցության մե-
նախոսությունն է ինքն իր հետ, այլև սոցիալական անհատի անկապտելի
օրգանական ամբողջությունը: Ավելի շուտ գա անձի Ես-ի երկխոսու-
թյունն է իր սեփական սոցիալական փորձի հետ, որն էլ հիմք է ծառայում
ըմբռնելու այն անհրաժեշտ և օրինաչափ պահանջները, որոնք հասարա-
կության կողմից անհրաժեշտորեն ներկայացվում են մարդ կոչվող սոցիա-
լական անհատին: Ես-ի ինքնամբողջացման ղիալեկտիկայի փայլուն (Ըե-
րից է V դ. հայ ժողովրդի ըմբոստացումը և ազատատենչ ողու ընդլվման
դրսևորումը Սասանյան Պարսկաստանի նվաճողական քաղաքականության

⁶ Г е г е л ь. Соч., т. III, М., 1956, с. 25.

դեմ: Սասանյանները ծրագրավորված բոլոր եղանակներով ու միջոցներով ձգտում էին Հայոց եկեղեցու գործունեությունն ամբողջությամբ վերցնել իրենց ձեռքը, դրանով իսկ ղրկելով այն ոչ միայն կրոնական արարողություններին ու նախաձեռնումներին, այլև՝ ազգային կողմնորոշումին: Ղազար Փարպեցին գրում է, որ Հազկերտ I-ը գիտակցում էր, որ Հայերը «օտար են մեր Հավատին (մեր եսաշխարհին – Հ. Մ.), ատում են մեզ և հույների հետ ունեն նույն Հավատն ու օրենքները»: Ըստ այդմ էլ, բոլորովին պատահական բնույթ չէր կրում Պարսկաստանի կողմից պետական մակարդակով վարվող հակաքրիստոնեական կրքոտ քաղաքականությունը, քանի որ այս տարածաշրջանում Հայոց եկեղեցին այն ինքնավար, անկախ և ինքնակառավարվող միակ հոգևոր կազմակերպությունն էր, որն ի գործ էր անմիջականորեն սատարել Հայ ժողովրդի կենաց ու մահու պայքարն օտար նվաճողների դեմ, հանուն ազգային Ես-ի անաղարտության, նրա հավերժ գոյատևման ու պահպանման: Նախ, որ Հայոց մեծամեծները լավ էին պատկերացնում Սասանյանների համեմատությամբ իրենց թե՛ ազգային, թե՛ բարոյական, թե՛ քաղաքական ու մշակութային առաքինությունը և խորապես համոզված էին, որ «այս բոլոր չարիքները մարդու միտքն են մտնում անուսումնությունից»⁷: Հայ ազգի V դ. ընտրյալները քաջ գիտակցում էին, որ միայն ուսմամբ է հնարավոր ձևավորել և զարգացնել այս աշխարհի միակ բանական էակի՝ մարդու Ես-ի բարոյական բարձր ինքնագիտակցությունը, սկզբունքայնությունը, հայրենասիրությունը, մարդասիրությունը: Այստեղ միանգամայն ներդաշնակորեն են հնչում Եղիշեի մարգարեական մտքերը. «Կույրը զրկվում է արեգակի ճառագայթներից, իսկ տգետը զրկվում է կատարյալ կյանքից: Լավ է աչքով կույր (լինել), քան մտքով: Ինչպես որ հոգին մեծ է մարմնից, այնպես էլ մտքի տեսողությունը մեծ է մարմինների տեսողությունից»⁸:

Արտաշատում հավաքված Հայոց կարապետները Տիգրան ուղղած իրենց պատասխան նամակում, առաջնորդվելով դարաշրջանի սոցիալական, քաղաքական և բարոյահոգեբանական մթնոլորտը պայմանավորող համամարդկային Ես-ի արժեքներով, ելնելով քրիստոնեական գաղափարախոսության դիրքերից, նշում էին. 1) քրիստոնեական գաղափարների ճշմարտացիության և մազդեզանց կրոնի չարաբաստիկության, մանկամտության, պարզունակության մասին, 2) ժողովականները մատնանշում էին. որ այն Հարցերը, որոնք վերաբերում էին խղճի ազատությանը, երբեք և ո՛չ մեկի կողմից չէին կարող օրենքի ուժով փաթաթվել մարդկանց վրին, 3) նրանք միաժամանակ ընդգծում էին, որ իրենց հավաքը, գաղափարները (սեփական անձնային Ես-ը) երբեք չեն փոխի, իսկ եթե հարկավոր լինի մեռնել Հայրենիքի համար, պատրաստ են իրենց զոհել, 4) նամակն ավարտելուց հետո ժողովականները երգվեցին հավատարիմ մնալ իրենց միաբանությունը⁹, այսինքն սեփական ազգային Ես-ին: Երբ Հազկերտ II-ը հրա-

⁷ Ղ ա զ ար Փ ա Ր պ ե ց ի. Պատմություն Հայոց. դ. ԺԲ, էջմիածին-Տիֆլիս, 1904, էջ 43:

⁸ Ե Ղ ի շ Ե. Վարդանանց պատմությունը. Երևան, 1958, էջ 30:

⁹ Նույն տեղում, էջ 20:

¹⁰ Ե Ղ ի շ Ե. Վասն Վարդանաց և Հայոց պատերազմին. Երևան, 1957, էջ 14-15:

մայրում է Տիգրան ներկայացած Հայ նախարարներին երկրպագել կրակին, սպառնալով նրանց հողեկան և մարմնական տանջանքներով, Հայոց սպարապետ Վարդան Մամիկոնյանն աներկյուղ պատասխանում է. «Այն օրենքները, որ աստծուց սովորեցի իմ մանկությունից թողնել և երկյուղի հետ փոխել, անհնար է: Թե որ մարդուց ընդունած լինեի այն ճշմարիտ վարդապետությունը, որ իմ անձը ողորմելի համարեի, ուր մնաց Աստծո բերանից ընգունած և սովորած օրենքները վաճառել սուտ փառքերի և մարդու երկյուղի փոխարեն: Աստված չանե: Իմ պատասխաններն այս են, սրա վրա ցանկանում եմ մեռնել, քան թե ուրացությունը ապրել առանց աստծու»¹¹: Հենց այդ իմաստով էլ Սասանյանների լծի դեմ Հայ ժողովրդի համազգային ապստամբությունը և 451 թ. մայիսի 26-ին տեղի ունեցած Ավարայրի հերոսամարտը Եղիշեն անվանեց «Վարդանանց պատերազմ»:

Ասենք, որ օտար նվաճողների դեմ Հայ ժողովրդի պայքարի և ոչ մի դրվագ այնպես վառ ձևով իր հետքը չի թողել մեր ժողովրդի եսաշխարհում, ինչպես Ավարայրի հերոսամարտը: Հերոսամարտ, որն առանձնանում է ոչ միայն հանուն սկզբունքային և արմատական, հոգևոր և ֆիզիկական արժեքների պահպանման ու դոյատևման, այլև Հայ ժողովրդի արդարամիտ, ազատախոհ ու ազատատենչ համազգային Ես-ի վերելքի դիալեկտիկական աճի և զարգացման իմաստով: Գիտնական-պատմիչ Եղիշեի հերոսապատումի փիլիսոփայական իմաստն ու գեղարվեստական արժեքը նրա կողմից ամբողջացվող անչափ տարողունակ ու անսահման Հայրենասիրությունն է Հայ ժողովրդի միաբանությունը, անձնուրաց սխրագործությունը, Հայրենիքի միասնություն, ազատության գաղափարների ջերմ դրվատանքը:

V-XVIII դդ. մատենագետների մեջ Վարդանանց ազատազրական պատերազմի թե՛ քաղաքական, թե՛ ազգային դրդապատճառների ճշգրիտ բացահայտման տեսակետից առ այսօր Եղիշեն մնում է պատվավոր առաջին տեղում: «Վասն Վարդանաց և Հայոց պատերազմին» մենագրությունը, եթե մի պահ չհաշվենք Խորենացու «Հայոց պատմությունը», Հայ հին բանաստեղծության այն օրինակելի գլուխգործոցն է, որ մեր ժողովրդի դարերով կերտված ազգային Ես-ին սպառնացող օրհասական պահերին վեր է ածվում ինքնատիպ քաջալերության, հույս, հավատ, մխիթարություն ազգի սիրելիների համար, խիզախություն, կորով ու եռանդ ընդդեմ թշնամու՝ Հայաստանն անկախ, ազատ և ինքնավար դարձնելու նշանաբանով:

Միանգամայն օրինաչափ է, որ Եղիշեի «Վասն Վարդանաց և Հայոց պատերազմին» անմահ մատյանն, ըստ էության, XIX դ. դրեթե բոլոր Հայ գրողների, փիլասոսանների, հրապարակախոսների համար ծառայել է որպես խորհրդանիշ ընդդեմ պարսկական, օսմանյան և առհասարակ Հայաստանի ինքնուրույնությունն սպառնացող թե՛ արտաքին քաղաքական նկրտումների, թե՛ ներքին երկպառակությունների դեմ: Հայ նոր դրականության հիմնադիր Խաչատուր Աբովյանն իր սոցիալական, քաղաքական և մարդասիրական հարցադրումների ուղղվածությունն առավել նպատակասլաց դարձնելու համար լայնորեն օգտվել է Մովսես Խորենացու և Եղիշեի

¹¹ Նույն տեղում, էջ 31-41:

պատմագեղարվեստական բնույթի ստեղծագործություններից: Խ. Աբովյանն իր հոյակերտ «վրձինով» Վարդան Մամիկոնյանի հերոսական կերպարից երփներագ գուլյներով կերտում է XIX դ. հայ ազատագրական պայքարը մարմնավորող Ես-ը, իբրև նշանաբան, որի աննման սխրանքի օրինակը բոլոր հայ մարտիկների համար նոր Վարդանի Ես-ը հիմնադրելու միաձուլվող հաղթական կոչի է վերածվում. «Մեռնինք, թող էսօր մենք էլ միասին, որ սուրբ Վարդանի հասնինք ախ փառքին: Ընկե՛րք մի՛ վախիք, դուք ղոչախ կացե՛ք, քամակ քամակի տվե՛ք, միացե՛ք, թող մեկ հող, մեկ սուր փրթի, մեղ թաղի, մինչև եզին մարդն մեկն էլա չփախչի»¹²: Իսկ Ղևոնդ Ալիշանը Եղիշեի «Վարդանանց պատմության» հիման վրա գրում է «Պլպուլն Ավարայրի» պոեմը, «Կարմիր Վարդանը»¹³ և այլ ստեղծագործություններ, որոնց գաղափարական բովանդակությունը սերտորեն կապված է առաջին հերոսապատում դրքի հետ: «Պլպուլն Ավարայրի»-ն գեղարվեստական այն պատկերավոր երկերից է, որն սկսվում է հակիրճ առաջաբանով. Ղ. Ալիշանը պատկերում է մի մեղմ ու հանդարտիկ գիշեր, ինքը շրջում է Ավարայրի դաշտում, ուր իրենց կյանքը գոհել են հայոց դյուցազունները: Նա իր եսաշխարհի լայնարձակ ծովն ընկած հանկարծ հորիզոնում տեսնում է ծագող լուսինը, որն իր լույսը տարածում է ամենուր: Հերոսապատումի վերջում հեղինակը գրում է, որ Վարդանի անձնային Ես-ի կերպավորողն ու անմահացնողը Եղիշեն է, որը հայ դյուցազունի մեջ խտացրել ու մարմնավորել է ինքնամբողջացվող հայոց ընդհանուր ազգային Ես-ի փիլիսոփայական լավագույն գծերը, ահա թե ինչու կանցնեն տասնյակ հազարավոր տարիներ, բայց նա ապրել է, ապրում է և կապրի իր ժողովրդի հետ միասին.

«Թե բյուր դարք անցնեն՝ դու մընաս Վարդան»,
Ասաց Եղիշե, հետ արուսեկին,
Փախավ, ծածկեցավ, սիրաձայն հոգին...
Պլպուլն ի թրփեն սովորեցավ Վարդան,
Կանչե գբուն գիշերըն՝ Վարդա՛ն, Վարդա՛ն...
Կանչե՛, պլպուլիկ, կանչե՛ հոգեձայն,
Որ յերկնաց ի վայր, հայի և Վարդան,
Հիշե զՀայաստան տուն յուր սիրական,
Հայաստան հիշե գյուր Կարմիր Վարդան¹⁴:

Հովհ. Հովհաննիսյանը, «Տղմուտ» բանաստեղծության մեջ գովաբանելով հայ ազգային հերոս Վարդան Մամիկոնյանին և նրա զինակիցների հերոսական Ես-ը, հակադրում է նրանց իր ժամանակի քաղաքականապես թուլվող և դադավարական տեսանկյունից տկար դործիչների խավարամոլ Ես-ին, որոնց չի անհանգստացնում հայրենյաց նվիրվածությունը, կոչ է անում ստեղծել միաբանություն, ունենալով Վարդանների առյուծական հոգին և խաչով ու սրով վերականգնել հայ ազգային պետությունը:

¹² Խ. Աբովյան. Երկերի լիակատար ժողովածու. հ. III. Երևան, 1948, էջ 99:

¹³ Թուշեիք հայրենեաց հայոց. հ. Ա. Վենետիկ, 1869, էջ 239-269:

¹⁴ Ղ. Ալիշան. Նվազներ. Երևան, 1957, էջ 43:

Ո՛հ, թե ելներ կորած մոռցված դամբանից
 Վարդանների առյուծական այն հողին,
 Եվ երկաթի խարազանը թունալից
 Տար ձեր ժպիտի, ամոթապարա ճակատին:
 Եվ արցունքով համբուրեիք սուրբ շիրիմ,
 Ուխտ կապեիք նորից խաչով ու սրով
 Կանգնեցնել նոր Արտաշատ Խոխոցիմ,
 Վերջ տալ անարգ այս վիճակին արյունով¹⁵:

Ես-ի և Հասարակության ղիալեկտիկական անխզելի կապն ու փոխադարձանալորվածությունը ենթադրում է, որ անձի Ես-ի տակ միաժամանակ պետք է հասկանալ Հասարակություն կամ Հասարակական Ես: Այլ կերպ ասած, մարդու կողմից ստեղծված առարկայական միջոցները սկսում են հանդես գալ օբյեկտիվորեն, այսինքն՝ անհատից դուրս գոյություն ունեցող արժեքների, ձևերի, ճանաչողական նորմերի չափանմուշների ու օբյեկտ-հիստորիկների դերում: Ինչ խոսք, համաձայն ինտերիորիզացման (լատ. interior – ներքին), այսինքն՝ անցում գրսից ներս գործընթացի, արտաքին գործողություններն անհրաժեշտորեն ենթարկվում են յուրօրինակ փոխակերպման՝ ընդհանրացվում, բանավորացվում, կրճատվում և, այնուամենայնիվ, դառնում պիտանի հետագա զարգացման համար՝ անցնելով արտաքին հնարավորությունների սահմանները¹⁶: Այլ կերպ ասած՝ Ես-ի ինքնագիտակցությունը և ընդհանրապես հոգեկանը, ըստ էության, կարող է ձևավորվել ու զարգանալ մարդ և մարդ ինքնագիտակցությունների ինտերհոդեբանական (ներհոդեբանական) եսականացման ճանապարհով: Այս իմաստով Մեսրոպ Մաշտոցը գրում էր, որ «... միտքը և զգայությունները ազատ կամքով լի են իմաստության բոլոր օգուտներով, որը (իմաստությունը) առաջնորդում է դեպի առաքինասեր վարք երեւացող և աներևույթ բաների մեջ: Որովհետև նրանով ենք ապրում և շարժվում և նրանով ենք ընթանում դեպի առաջիկա բարիքները՝ ավետելու և անսուտ խոստումների համար»¹⁷: Ասենք, որ Ես-ի ինքնագիտակցությունը հանդես է գալիս գիտակցության ինքնավերահսկող գործոնի դերում, կողմնորոշում իրենից դուրս գտնվող իրերն ու գիտակցությունը: Գիտակցությունը, որի հիմնական օբյեկտը «Ես»-ն է, նշանակում է ոչ այլ բան, քան ինքնաճանաչում և ակտիվ միջանձնային կենսադիրք: Իր սկզբնական ճանաչողական իմաստով ինքնագիտակցությունը (որպես ինքնավերահսկող գիտակցություն) միանշանակ ձևով կողմնորոշվում է դեպի «ճանաչիր աշխարհը» իմաստասիրական կոչի իրացումը, իսկ երկրորդում՝ «ճանաչիր ինքդ քեզ» ավանդավորական կոչի իրացմանը: Ահա թե ինչ է գրում միջնադարյան հայ մտածող Գրիգոր Տաթևացին. «Մարդն առհասարակ կարող է ձեռք բերել այն գիտությունը, որը մշակվում է բնության ազդեցության ներքո, որովհետև դա մտածողական ճանաչողություն է: Ընդհանրապես, մտածողա-

¹⁵ Հ. Հ ո վ հ ա ն ն ի ս յ ա ն. Երկեր. Երևան, 1959, էջ 91:

¹⁶ А. Н. Л е о н т ь е в. Деятельность. Сознание. Личность. М., 1975, с. 95.

¹⁷ Թաճախապատում ճառք, էջ 34:

կան ճանաչողությունը հետևում է բնության իրերի, բնության պարունակություններից բացի նա այլ բան չի տեսնում, որովհետև ինչ որ բնության համար անհաս է, անհաս է նաև մտքին»¹⁸:

Մարդը երբեք չի կարող խելամիտ գործել՝ չճանաչելով ինքն իրեն գոնե նվազագույնի չափ: Սեփական Ես-ի զարգացումն ու ինքնամբողջացումը իրականացվում է անձի որոշակի փոփոխություններով, որպես նրա հավասարակշռող դերի անհրաժեշտ դրսևորում: Անվարան կարող ենք ասել, որ անձի Ես-ի ինքնամբողջացման աստիճանը հարաբերականորեն կարող է լինել միանգամայն տարբեր: Մեզ հայտնի է, որ բացառիկ շնորհաշատ և տաղանդավոր մարդիկ շատ շուտ են հայտնաբերում իրենց Ես-ը և հստակորեն են տարբերում այն շրջապատի Ես-երից, որովհետև նրանք, վաղ զգալով սեփական Ես-ը, ամենուրեք ջանում են գերազույն ինքնահաստատման, երբեմն էլ ծայրահեղության հասնող հիվանդագին սրություններով այն: Դեռ վաղ մանկական տարիքից նրանց հատուկ է չափից ավելի ներթափանցել ինքնագիտել, ինքնավերլուծել սեփական ներաշխարհը՝ հասնելով ինտեգրացիայի բարձրագույն աստիճանի: «Սակայն, գրում է սոցիոլոգ է. Ֆրոմը, — կատարելության նման բարձր աստիճանի հասած անհատներ կարելի է գտնել ուսուցման բոլոր մակարդակներում, անգամ տարբեր մշակույթների ներկայացուցիչների միջև»¹⁹: Նրանցից յուրաքանչյուրի կողմից անձնային Ես-ի ճանաչումը ինքնահաստատումը, այնպիսի հոգեիմաստասիրական անհրաժեշտ եղանակ է, որի միջոցով համազգային գունագեղություն ձեռք բերած անհատների գործելակերպի մեջ կարելի է տարբերել նրանց խառնվածքը և առանձնացնել համամարդկայինը:

Դա հատուկ է խարիզմատիկ (հուն. χαρισμα՝ ողորմածություն, աստվածային պարգև) առաջնորդներին, որոնք քաղաքական բեկումնալից պահերին, իրենց խելքի, էներգիայի զորեղ կամքի և քաղաքական հեռատեսության շնորհիվ արագորեն անցնում են իշխանության գլուխ: Մարդկության սոցիալական մտքի պատմությանը հայտնի են իրենց գործունեությունների սկզբնական շրջանում որպես տիպիկ խարիզմատիկ առաջնորդներ Նապոլեոնը, Վ. Լենինը, Բ. Մուսոլինին, Ֆ. Կաստրոն, Բ. Նյցինը և ուրիշներ, որոնք ա) համապատասխան հոգեկան դինամիկ խառնվածքով օժտված հուժկու Ես-ով կարողացել են հայտնաբերել իրենց պատմական առաքելության ռացիոնալ նպատակաուղղվածությունը, բ) սեփական Ես-ի ինքնաճանաչման նմանօրինակ սրությունը միանգամայն բնորոշ է հանճարեղ անհատներին, որը պայմանավորված է նրանց կողմից պատմական ընթացքի առանձնակի նշանակալիության իմաստավորմամբ կամ իրենց կողմից անմիջականորեն դրսևորվող պատմական իրավիճակի նկատմամբ պատասխանատվության համամարդկային կարևորություններով: Այստեղ հիշատակության է արժանի Հայոց քերթողահայր Մովսես Խորենացու պատմական կերպարի օրինակը, որն իր Ես-ի հաստատումը ապացուցեց դեռևս վաղ հասակից՝ կարողանալով կրոնական դիտելիքներին զուգընթաց, հա-

¹⁸ Գ. Տ ա թ և ա ց ի. Գիրք քարոզչության. Կ. Պոլիս, 1741, էջ 79, 617:

¹⁹ Э. Ф р о м м. Иметь или быть? М., 1990, с. 44.

յերեն, հունարեն, ասորերեն և պարսկերեն լեզուների մեջ բավականաչափ հատուկություն ձեռք բերել և ուղևորվել ժամանակի մտավոր խոշոր կենտրոններ՝ Ամիդ, Եդեսիա, Հռոմ, Աթենք, Անտիոք, Ալեքսանդրիա և Կոստանդնուպոլիս: Լեզուների հետ նա սովորեց նաև ճարտասանություն, քերականություն և այլն: Ձեռք բերած գիտելիքների և հատկապես հայրենիքում դրանք տարածելու, եղածը խորացնելու և որակական նոր աստիճանի հասցնելու շնորհիվ Խորենացին ստացավ Քերթողահայր մականունը: Իր «Պատմություն»-ը նա սկսում է հայ նախարարների և ընդհանրապես մեծատունների «անիմաստասեր բարքերի» խիստ քննադատությամբ, մի կողմից, մյուս կողմից իր ուշադրության կենտրոնում է պահում անկեղծ, անաղարտ և անկաշառ հայրենասիրությունը, մարդկանց ինքնագիտակցության բարձրացումը և ուժեղ թշնամու դեմ նրանց հերոսական գոտեմարտի դուրս բերելու վսեմ ձգտումը հանուն ազգային Ես-ի պահպանման ու հարատևման: Մեր նախնիները քաջեր են, ասում է Խորենացին, Հայկ, Արամ և Տիգրան, որպես քաջեր, իրենց ժողովրդի փրկարարներն են եղել. «Իմ կարծիքով քաջերի ազդերն էլ քաջեր են»²⁰: Քերթողահայրը ցույց է տալիս, որ Եղիշեի նշանաբանը, թե «Մահ իմացեալ անմահութիւն է», միշտ էլ եղել է ժողովրդի ազգային Ես-ի պահպանման նշանաբանը. ազդի ղեկավար անձինք իրավունք չունեն շեղվելու այդ ճանապարհից: Որպես հայոց ազդի Ես-ի մարմնացման և կատարելության տիպար՝ Խորենացին վառաբանում է Տիգրան Երվանդյանին, որովհետև սա մեր ազգի թագավորներից ամենահզորն ու ամենախոհեմն էր, նրանցից բոլորից քաջ, որ «մեր բնակության սահմանները ընդարձակելով հասցրեց մինչև հին բնակության սահմանների ծայրերը... Իր ժամանակակիցներին նախանձելի եղավ, իսկ հետո եկողներիս ցանկալի, թե՛ ինքը և թե՛ իր ժամանակը: Եվ ո՞ր իսկական մարդը, ով սիրում է արիության բարքը և խոհականությունը, չի ուրախանա սրա հիշատակությունը և չի ձգտի նրա նման մարդ լինել: Նա տղամարդկանց գլուխ կանգնեց և ցույց տալով քաջություն մեր ազգը բարձրացրեց և մեզ... Նա (Տիգրան Մեծը – Հ. Մ.) ամեն ինչում արդարադատ և հավասարասեր կշեռք ունենալով ամեն մեկի կյանքը կշռում էր իր մտքի լծակով, չէր նախանձում լավագույններին, չէր արհամարհում նվաստներին, այլ աշխատում էր ընդհանրապես ամենքի վրա տարածել իր խնամքի զգեստը»²¹: Անհրաժեշտ է այստեղ նշել, որ հայոց համազգային Ես-ի ձևավորման ղիպեկտիկական գործընթացը պատմականորեն պայմանավորված է եղել դրական և բացասական հերոսների ինքնամբողջացվող Ես-երի՝ իբրև հասարակական հակադիր դիրքերում գտնվող, հակադիր կոլեկտիվների, ցեղախմբերի կամ էթնիկական միությունները ներկայացնող մարդկանց Ես-եր: Այսպես, հայ պատմաբանասիրության մեջ գործածվող հեղինակային ուղղակի բնութագրումները օգնում են ըմբռնելու այն պատմական օրինաչափությունը, որ ի դեմս Հայկի, Արամի, Արտաշեսի, Տիգրանի և մյուսների գործ ունենք հայ էթնիկական Ես-ի ձևավորման, նրա ինքնություն ու հետագա անարգել զարգացման համար մարտնչող հերոսների ինքնամբողջացվող դրական Ես-ի հետ, իսկ ի դեմս Բելի, Նյու-

²⁰ Մ ո վ ս ե ս Խ ո Ր Ե ն ա ց Ի. Պատմություն հայոց. Տիգրիս, 1913, էջ 75:

²¹ Խ ո Ր Ե ն ա ց Ի. Պատմություն հայոց. Երևան, 1968, էջ 111:

քար Մադեսի, Աժդահակի և մյուսների ասորաբաբելական և մարական ուսոխների, որոնց նպատակն էր վերացնել հայ տարրը և Հայաստանը որպես աշխարհագրական հասկացություն, գործ ունենք բացասական հերոսների Ես-ի հետ: Իշխելու մոլուցքով ամբողջությամբ տարված Բելը մինչև վերջ մնում է բռնակալ «Հպարտ ու պատերազմասեր», Նյուքար Մադեսը՝ «երկրի ապականիչ», Բարչամը՝ ապականիչ, փառամոլ և անձնասեր, Նինոսը՝ փառասեր ու անձնասեր, Աժդահակը՝ նենգ ու խորամանկ և այլն: Փաստերի համադրումից հետևում են հերոսների անձնային Ես-երի դրսևորման տարբերությունները, դրանց առանձնահատկությունները. այն, որ Հայկը ինչ-որ չափով տարբերվում է Տիգրանից, Տիգրանը՝ Արտաշեսից, Արտաշեսը՝ Արամից և այլն: «Մեկի մոտ մյուս բոլոր ընդհանուր արժեքների հետ, — գրում է Գր. Գրիգորյանը, — միասին երանգավորվում է բանականությունն ու խելքը (Տիգրան), մյուսի մոտ՝ աշխատասիրությունը (Արամ), երրորդի մոտ՝ շինարարական գործունեությունը (Արտաշես) և այլն: Ընդհանրության հետ միասին նաև տարբերություններ ենք տեսնում բացասական կերպարների Ես-երի դրսևորման միջև: Բելը աչքի է ընկնում իր տիտանական ուժով, Աժդահակն իր խորամանկությամբ, Նինոսն իր փառամոլությամբ և այլն»²²:

Հայ ժողովուրդն իր նյութական և հոգևոր մշակույթը, իր արվեստը, գրականությունն ու փիլիսոփայությունը ստեղծել է ազատության, ինքնորոշման և անկախության համար մղված դարավոր անհաշտ պայքարի, հերոսական մաքառման բովում: Դրանով է պայմանավորված այն, որ ազատագրական պայքարը կազմում է հայ դասական գրականության հիմնական բովանդակությունը. ազատասիրության և Հայրենասիրության վսեմ գաղափարները կարմիր թելի պես անցնում են Հայ գրականության գլուխգործոցների միջով: Նույնը կարելի է ասել նաև ժողովրդական բանավեստի, հատկապես էպոսի մասին, որ նախորդել և ապա ուղեկցել է Հայ գրականությանը: Հատկանշական է, որ մեր ժողովուրդը վաղնջագույն գարեբուս կերտելով իր ուրույն Ես-ի լինելիության հիմնադիր առասպելը «Հայկի և Բելի» մասին, այն մարմնավորել է ազատության գաղափարով: Ազատություն, որով տոգորված է ողջ Հայ պատմաբանասիրությունը՝ V դ. սկսած: Այդ առիթով Ավ. Իսահակյանը նշում է. «Մեր գրականության իշխող պաթոսը, նրա առաքելությունը դարերի անհաշտ պայքարն է Հանուն Հայրենիքի ազատության, ազգային մշակույթի և անկախ պետության...: Մեր գրականությունը բռնակալների, հարստահարողների, ջարդարարների գրականությունն է, այլ մարտնչող, բողոքող, ըմբոստացող (Ես-ի — Հ. Մ.) ազատաբաղձ ոգու տոգորված աշխատանքի, հումանիզմի, արդարության վսեմ իդեալներով: Այդ պայքարի ոգին կայծակի պես անցել է Հայ գրականության մի ծայրից մյուսը, սկսած Մովսես Խորենացուց, Եղիշեից, Սեբեոսից, միջին դարերի միջով, մեր Ֆոլկլորի միջով, մինչև Խաչատուր Աբովյան, Միքայել Նալբանդյան, Պատկանյան, Բաֆֆի, Ծերենց, Թումանյան, Սիամանթո, Վարդապետ, Վ. Տերյան ներառ-

²² Գր. Գրիգորյան. Հայ ժողովրդական բանահյուսություն. Երևան, 1980, էջ 158:

յալ»²³: Իսահակյանի անձնային Ես-ը ձուլվել էր Հայրենիքի և ժողովրդի Ես-ի հետ, որը ցայտուն դրսևորվում է հատկապես «է՛յ, Զա՛ն-Հայրենիք» բանաստեղծության մեջ, որը միաժամանակ հայ ժողովրդի քաղաքական կյանքի խորը փիլիսոփայական իմաստավորումն է:

Լ. Հախվերդյանը, խոսելով Հովհ. Թումանյանի Ես-ի անհատականութ-
յան դիալեկտիկական վերընթացի մասին, նշում է. «Դարասկզբից ի վեր
Թումանյանը հայկական Պառնասի ո՛չ միայն հռչակավոր անուններից էր,
այլև հայ գեղարվեստական կյանքի կենտրոնական ու կենտրոնաձիգ դեմ-
քը: Միայն նրա մոտ, նրա օջախում հիմնադրվեց «Վերնատուն» Հայտնի
գրական խմբավորումը, ուր հայ գրողները գրեթե գտնվում էին անվերջ
դիալոգիկ-տրամախոսական բանավեճերի, ընթերցումների, քննարկումնե-
րի, քննադատությունների, կարծիքների փոխանակման, և որպես գրողնե-
րի առանձին-առանձին իրենց անձնային Ես-ի ինքնամբողջացման և ինք-
նահաստատման գործընթացի մեջ: Այո, Թումանյանն այդ կենտրոնաձիգ
և գունագեղ Ես-ն էր, որի հյուրընկալ հարկի ներքո պարբերաբար տեղի
էին ունենում Հայոց գեղարվեստական կաճառի տասնիններորդ դարի
վերջի և քսաներորդ դարի սկզբների անվանի մշակների առաջին հանդի-
պումները»²⁴: Լուսաշող հանդիպումները, որոնք բանաստեղծի կյանքում
առանձնանում են որպես մարդկային և խաղաղ ստեղծագործական ըն-
թացքի ամենաբարենպաստ, Թումանյանական Ես-ի ծաղկման տարիներ:
Միանգամայն սխալ կլինի զգալ և չնկատել XX դ. առաջին տասնամյա-
կում ինքնահաստատման ձգտող Թումանյանական Ես-ի և իր հարազատ
ժողովրդի ընդհանուր Ես-ի փոխադարձ կապը բովանդակ մարդաշխարհի
Ես-ի հետ, որը շարունակվեց մինչև բանաստեղծի սրտի վերջին զարկը:
Հայտնի է, որ եթե մինչև 1903թ. Թումանյանը միայն արվեստի մարդ էր՝
իր կոչմանն ու տաղանդին հավատարիմ, դրանից հետո դարձավ Հասարա-
կական գործիչ՝ հավատարիմ իր ձգտումներին, խառնվածքին ու իդեալնե-
րին: 1905–1906 թթ. Անդրկովկասը բռնկվեց Հայ-թուրքական ազգամիջ-
յան արյունալի ընդհարումներով, բանաստեղծի Ես-ն առանց վարանելու
իր տեղը գիշեց սոցիալականորեն ակտիվ ու մարտնչող կենսագիրք ունե-
ցող քաղաքացու Ես-ին՝ քաղաքացի պոետ-մարտիկին: Թումանյանի Ես-ը
ձուլվել էր ազգայինի հետ և ձուլել ազգային ընդհանուր Ես-ը. իր անձ-
նային Ես-ի մեջ, անգամ տխուր պահերին, գրել, խորհել, գործել է, ամենքի
հետ ապրել, ամենքի հետ տառապել: Հովհ. Թումանյանը կարողացել էր
հասնել սեփական Ես-ի և ազգային Ես-ի անզուգական ներգաշնակակեր-
տություն, և ընդունակ ապրելու իր մտքերով ու ուրիշների զգացմունքնե-
րով, ընդունակ գործելու ուրիշների նկատմամբ հարգանքի, բարություն,
անշահախնդիր հոգածություն և հանուն ճշմարտության հաղթանակի
ալտրուիստական սկզբունքով, ո՛չ սարսափի կամ երկյուղի և ո՛չ էլ հա-
նուն շահագիտական հպանցիկ գովեստների ու առանձնակի շնորհավո-
րանքների: Երբ 1915թ. ապրիլին սկսվեց հրեշավոր ոճրագործությունը՝
Մեծ եղեռնը, որն ուղղակիորեն ծրագրավորված քայլ էր Հայկական հարցը
«վերջնականորեն լուծելու» և Հայոց ազգային էթնիկական Ես-ը ճաճկա-

²³ Ա. փ. Ի ս ա հ ա կ յ ա ն. Երկերի ժողովածու. հ. IV, Երևան, 1975, էջ 159:

²⁴ Հ ո վ հ. Թ ու մ ա ն յ ա ն. Ընտիր երկեր. հ. I, Երևան, 1985, էջ 18–19:

Հայաստանում արյան ծովի մեջ խեղդելու համար, «Ամենայն Հայոց Բանաստեղծը» Հայ գրողների ընկերության անունից աշխարհի գրեթե բոլոր մշակութային հաստատություններին հղած իր և իր գաղափարակիցների ու ընկերակիցների ըմբոստացող Ես-ի կողմից հեռագրում նշում էր, որ թուրքական կառավարությունը սկսել է կոտորած էրզրումից մինչև Կիլիկիա, Սև ծովից՝ Միջագետք: Ուստի, Հայոց գրողների ընկերությունը գիտնում է ի գեմս նրանց՝ լուսավոր հասարակություններին և խնդրում բարձրացնել իրենց ձայնը այս անօրինակ ոճրի հանդեպ:

Կանգնեցի խոժոռ, մենակ ու հաստատ, Մասիսի նման,
Կանչեցի թըշվառ էն հոգիներին՝ ցըրված հավիտյան
Մինչև Միջագետք, մինչև Ասորիք, մինչև Ծովն Հայոց,
Մինչև Հելլեսպոնտ, մինչև Պոնտոսի ափերն ալեկոծ:
- Հանգե՛ք, իմ որբեր... Իզո՛ւր են հուզմունք, իզո՛ւր և անշահ...
Մարդակեր գազան՝ մարդը՝ դեռ երկար էսպես կմնա...²⁵

Քաղաքական նման անհուսալի իրավիճակում ևս իսպառ չէր ընկճվում թունամայնական Ես-ը, որն օր ու գիշեր անդադրում աշխատում էր որբերին ու գաղթականներին օգնելու համար: Իր վիթխարի հեղինակությունը ստեղծում էր օգնության կոմիտեներ և հայրենակցական միություններ, որպեսզի կարողանար հնարավոր բոլոր միջոցներով սլահել ու սլահպանել Հայ մարդուն:

Հայոց Ես-ի խիզախումի և բացառիկ ներքնատնտեսությունը օժտված խոհերի ու ապրումների մի ամբողջ դրսևորում ենք տեսնում նաև Եղ. Չարենցի ինքնահաստատվող Ես-ի մեջ: Հակառակ քաղաքակիրթ աշխարհի բարբարոսական աղմուկի և գիշատիչ տերությունների անպատկառ ու լպիրչ քաղաքականությանը, Չարենցի ձևավորվող բանաստեղծական պայծառ Ես-ը համարձակորեն դուրս եկավ մարդասպանության, ավերիչ թալանի և կործանման ամեն մի դրսևորման դեմ: Պատերազմական արյունալի թոհուրոհի այդ բարդ և խառը իրավիճակում (1915–1916) մարդկային անկրկնելի և ամբողջական Չարենցի Ես-ը, որից դառնացել ու օտարվել էր նրա եսաշխարհը, որովհետև շուրջը ամեն մի իր և առարկա խորթ էր, սառը և թշնամական դավեր էր նյութում իր դեմ.

Եվ թշնամի էր մեզ ամեն մի քար,
Եվ ամեն մի իր լարում էր դավեր:
Եվ անցնում էինք մենք հանդիսաքայլ
Այն ճամփաների հետքերով ավեր,
Ուր ո՛չ մի էակ այլևս չկար,
Ուր չէ՛ր կարող մարդ խղճալ ու ցավել...²⁶

Դարավոր արյունալի քառուղիներով անցած Հայ ժողովրդի պատմամշակութային և իմաստասիրական փորձից ելնելով, կարող ենք ասել, որ

²⁵ Նույն տեղում. էջ 102–103:

²⁶ Ե Ղ. Չ ա ր Ե ն ց. Երկերի ժողովածու. Հ. I, Երևան, 1986, էջ 303:

անձնային Ես-ի գոյատևման համար անհրաժեշտ են բարենպաստ մարդկային պայմաններ: Միայն խաղաղ և ստեղծագործ պայմանների առկայության դեպքում հնարավոր կլինի ոչ միայն անձնային, այլև ազգային Ես-երի անկաշկանդ ձևավորման և ինքնամբողջացման գործընթացը: Դա միաժամանակ նշանակում է ինքնագիտակցում և ինքնաճանաչում:

Անձի սեփական Ես-ը կյանքի այն կենարար օջախն է, ուր բարախում է միջհասային հարաբերությունների սիրտը՝ այն գլխավոր շարժիչը, առանց որի մենք կդադարենք ուսումնասիրել և իմանալ հայ պատմաբանասիրության հինավուրց հոյակերտ ոճով կառուցված լեզվական, գրական և քերականական կուռ սրամաբանությունն ունեցող և փրվիսոփայական հնչեղությունը օժտված ակունքները:

ДИАЛЕКТИКА САМОИНТЕГРАЦИИ "Я" И АРМЯНСКАЯ ИСТОРИКО-ФИЛОЛОГИЯ

ГЕНРИ МОКОЯН

Р е з ю м е

Проблема диалектики самоинтеграции человеческого "Я" в армянской историко-филологической мысли рассматривалась как проблема взаимоотношений и взаимообусловленности личностного и национального "Я". Именно такой процесс самоинтеграции испокон веков происходил через активное восприятие прошлого и настоящего истории и культуры армянского народа и формировался как изначальный принцип историко-филологического мировоззрения.